



常齋集卷之一

致爽閣

新安朱松喬年撰



古詩

睢陽謁雙廟

幽陵胡羯殘中原列城束手天子奔天留巨孽毒梁  
 宋賊壘環堞如雲屯凶波滔天不可遏塞以東薪何  
 足論力憑孤墉阻其怒不爾荐食無黎元堂堂許張  
 勇且仁指揮羸卒氣愈振上書行在論賊勢想見憤  
 色吞妖氛人間貧賤容力避只有一死由來均二公  
 就此得處所至今日月名爭新遺祠突兀岸清洛英

氣凜冽橫穹昊尚聞餘蔭福茲土天假威柄酬忠勤  
布衣尚懸千古淚肉食宜鑒當年因焚香再拜三歎  
息九原可作從斯人

謁普照塔

孤塔驚霄漢晴影金碧眩重來得寓目歸枕尾殘汴  
緬懷何姓人哀禱傾淮甸是身如皎月有水着處現  
彈指遍大千何止數鄉縣惟應應緣地聊尔共流轉  
顛危悔斬馬善涉悟覓扇君看悔與悟只在一轉瞬  
至人獨何心示此禍福變當知夙緣定莫作邪道見  
哀哉衆生愚積惡稔天譴云何一朝急賴此香火薦

壇  
塔  
作  
圖

我來適燈夕寶蠟明遠殿還揩客塵眼重睹浮壇面  
朝來塔上鈴告我風色便平淮一回首岸草失葱蒨

曉過吳縣

舟行有嚴程越國常曉發雙櫓兀殘夢起坐窺落月  
人家岸野水霧雨籠遠閨遙憐瑣窻人歌枕聽甌軋  
陪餘杭張無隅先生飲

先生結屋在人境門巷蕭蕭作冰冷紛紛入眼不入  
意坐客千言不相領叩關聞我倒屣迎重解舊榻塵  
埃生向來妙處久不吐一挽天漢崑崙傾共說別來  
經世事我言所向皆兒戲曾中塊磊不用澆便有清

愁說無地士林師範六十翁先生合在伯仲中願言  
終賜指歸處爲公敬作曾南豐

於潛道中

山行厭犖确理策扶歎危綠野三兩家一息知可期  
冉冉晴林端炊煙裊晴暉其民豐且樂恐是太古遺  
那知都邑間百索困鞭笞繁華今何有半作道旁羸

度芙蓉嶺

幽泉端爲誰放溜雜琴筑山深春未老泛泛浪蘂馥  
娟娟菖蒲花可玩不可觸靈根盤翠崖老作蛇蚓蹙  
褰裳踏下流濯此塵土足何當餌香節淨洗心眼肉

餘功到方書萬卷不再讀晚歲窮名山靈苗縱穿斲  
菖蒲服之通神  
令人聰明健記

信州禪月臺上

玉峯點寥廓霄漢疑可梯玉水環城陰灑灑方拍隄  
層臺擅二美吾策一時携何當蠟吾屐更欲照以犀  
塵勞不相赦竟類窮途迷我生麋鹿余不羨駕輅驪  
向來丘壑懷語發人所詆長安黑頭公玉勒朝金閨  
山林出戲言廣已無端倪誰收遮日手歸把耕雨犁  
紛紛塵土中等是舞甕鷄頗聞山水間幽子飯藿藜  
行當踐此語絕境同攀躋

送深師住妙香寺元住雲溪

道人捨幽居誰管溪上雲此身自雲耳遑暇南北分  
頗聞妙香山天花雨繽紛宴坐火室間歷亂舊衲紋  
山前路悠悠山後水汶汶應觀川途客念我奔走勤  
豈無香火緣他年往相群飽食跛鐺飯稀摘幽澗芹  
當令桃花臺白社掩前薰

坐睡

坐久睡屢兀手失未了書清風脫然至心醒得我娛  
起看孤隙光了不移鐺鉢云何短夢中萬境生須臾  
嗟彼市朝子百巧營其軀安知非夢役過眼滅無餘

至人有<sup>欲</sup>達觀那與世賢愚不須無言子同上崑崙墟

遊山光寺

寺藏兩山腹路轉百步陰登高試病脚掬冷清煩襟  
敗壁去龕石刻歲月不可尋唯應查公石俛仰閱古今  
屋古困枝柱摧頽力難任何當咄嗟辨嗣彼鍾梵音  
興衰豈關吾得酒且滿斟歸路有溪月攬之醒吾心

送建州徐生

人羈天地間誰非一浮萍泛然偶相值便有離合情  
君家武夷下歸路塵眼明我生愛山者夢寐秀色橫  
秋風送客去把手更心傾亦逢山中人爲我寄此聲

贈覺師

覺師儒門秀，脫筵世故早。那知軒冕味，夙悟心已槁。  
唯餘章句習，心境時相惱。如人生於齊，而卽楚鄉老。  
雖遭楚人咻，微音或清好。固無益生死，亦未妨至道。  
家山亦何有，翫麟衣間窟。叢林選佛場，一擲想盆倒。  
云何戀故居，俛仰待華皓。他年空手歸，子語吾爲老。  
幸分曹溪水，萬劫付一澡。

休寧村落間，有竒石如彈子。過所出者，宜養

石菖蒲。程德藻許以餽我，以詩督之。

君家綠溪上，岸曲溪成渦。渦間石無數，水蹙相蕩磨。

誰嘗掬而戲，一一印指螺。我欲往取之，擁此菖蒲窠。  
石罌注新汲，幽姿發清哦。夫子許餉我，往督書已多。  
願言速寄與，起此泉石痾。

效淵明

人生本無事，况我麋鹿姿。一墮世網中，永與林壑辭。  
此行獨何事，豈不爲寒饑。弱歲慕古人，頗覺世好卑。  
那知齒髮邁，終然此心違。春風到山澤，魚鳥亦知時。  
吾行何日休，流目瞻長歧。且用陶翁言，一觴聊可揮。

酬馮退翁見示之什

我家大江左，江水日夜東。遙瞻發源處，迺在西南窮。

相望邈異境正北一水通故令我與子迹遠心自同  
我生寡所諧強顏紅塵中倦飛矯歸翮吟咽寒蛩  
獨欣得吾子萬慮一笑空時時出秀句醒我如風松  
當知山澤臞不鄙犀角豐彈冠實伊始此生各飛蓬  
卜隣固未必卽事聊從容

戲答胡汝能

我生苦中狹與世柄鑿乖平生素心人耿耿不滿懷  
汝能伯始後遊世如嬰孩相逢握手語便作墳簞諧  
時時笑謂我如子患未涯執古以規今求合誠難哉  
涉世幸未遠子車尚可回我介足怵怵君通絕嫌猜

柄

不見山巨源雍容居鼎台不見嵇中散絕交自可哀  
賢愚心自了短韻共一吟

謁吳公路許借論衡復留一日戲作

幽獨不自得駕言款齋廬殷勤主人情投轄恐回車  
轄亦不須投此去將馬如唯憂酒錢盡使我詩腸枯  
會合會幾何可復自作踈更當留一夕帳中撥異書

新秋

幽人無與娛耳冷百不聞新米熟未知但覺市酒醇  
滄洲散秋色山水逾清新一醉不忍獨念我存故人  
道中得雨

我行野田間，吁嗟連數村。千山收宿雨，谿作黃梅渾。  
漸看風葉底，一洗龜折痕。餘功被行客，稍壓旱塵昏。

道中

驕陽久自殺，一雨蕩龜拆。田夫夢亦好，翻隴已幽咽。  
朝來喜相語，一飽心已決。翻翻風葉亂，娟娟露芒白。  
去年禾欲秀，積潦滿秋澤。今年豈堪早，束手就溝壑。  
我生拙謀口，藜藿甘如蜜。向來真過計，憂民豈吾職。  
赤子天可憐，嗟人獨何力。何須事兒戲，合盍來賀客。  
稍欣新稻熟，社酒行可覓。當同扶路翁，醉歸舞南陌。

陳伯辨爲張氏求醉賓軒詩

前年谿上秋風時，主人酒熟烹黃雞。歸來醉倒睡便  
着，父老喚起牛羊蹊。此生一醉寧易得，未辨身爲貴  
人客。征西將軍爾何人，那用尊前驚墮幘。來聞越  
再經秋，聞道軒名涎已流。懸知得酒推不去，此客有  
轄何須投。今我正爲奔走役，空想題詩滿高壁。若逢  
落魄姓回人，爲問何時定相覓。

書窻對月

天公自厭雨，一夕開寒晴。霜風淨曠野，洪落有餘聲。  
饑鴉得林靜，霽月縈窻生。熨開睡眼色，一洗空花橫。  
故人千里餘，壺濁誰與傾。遙知勸影盃，共此通夕情。



今冬有奇事三見非玉英明年谿上路誰餉雨中耕  
宿野人家

夢裏滄波搖一葉覺來正受肩輿兀人家一宿晚可  
投新席搗梧香便滑霜前穉穉收百畝稚子新能牧  
鷺鴨我生本是箇中人挾策久矣猶能說

度石棟嶺

我行欲安適束馬踰山樊谷深不可瞬危磴爭獠猿  
坡坳兩山間寂歷三家村茅簷青裙婦蓬髮新烟昏  
敲冷那可飲分我一掬温卽樵晚未歸客至不與言  
不奉沙頭卮肯投柳下門作詩配國風行者式其藩

用退之韻賦新霽

春泥窘幽步苔上屐痕少新晴一褰衣綠葉藏啼鳥  
方塘灑宿漲古鏡窺清曉華顛忽自笑綵羽墮驚矯  
瞻言雲中耕縹緲穹脊繞歸把東臯犁此念何日了

送金確然歸弋陽

昔我雲溪居送子雲溪濱重來問何時笑指谿上雲  
一別四周星坐此世故紛衰顏兩非昔華髮繁可耘  
我纏風樹悲終日無一欣子乃水菽憂尚此奔走勤  
對牀語未終懸知便離分霜風吹客袂別意如絲棼  
子歸葛陂上去路接鄉扮歸夢尚隨子何當歎離群

奔

至節日建州會詹士元

嗟予身百憂佳節過倥傯客愁隨綫增歸思與灰動  
當年從子日未覺百慮重高堂遠牀呼一擲有餘勇  
那知客天涯相對寒骨聳歲月曾幾何鬢絲今種種  
忍饑山藥煮附煖地爐擁深葺斷還往衰病脫拜拱  
興言望鄉關雲物方鬱滯空餘相屬意盃酒久不捧

用前韻答翁子靜

客心既岑寂節物亦倥傯幽籬菊初暗深壑梅已動  
古人傲尺璧顧謂寸陰重欲從夫子遊掣肘愧不勇  
松高節磊砢鶴老格清聳當知山澤臞誰羨將相種

一官戲人間叢書以自擁微言聞緒餘三歎手輒拱  
看天本寥廓不受雲霧滃願言瞻清明茗盃不辭捧

微雨

端居身百憂况乃貧病俱天公頗相哀雨我蔬藥區  
曉晴新青勻日薄生意蘇衛生固未必一飽行可圖  
故園天一涯茅荆誰為鋤崢嶸歲去晚此念當何如

寄題叔父池亭

一壑久藏勝數椽忽開亭方塘蔭瓦影淨見魴鯉行  
主人有嘉招轉柁失高城不知幾搖兀杙舟上崢嶸  
尊酒酌芳醑園蔬煮柔青翩翩射鴨弓一笑翻綵翎

那知海陬姪斗粟忘歸耕餘生信萍梗歸夢識林垌  
漲水有回波故鄉豈無情一醉會有日因之濯塵纓  
贈謝彥翔建安人九歲異人與藥至今不食  
建安有梅子真升仙處

我本世味薄寸田足自營年來荆棘盡稍有黎棗萌  
但恐骨相凡未敢希長生陳留達人後未盡犀角盈  
舊遊記三山幽夢徹九清余來三十年但覺膏粱腥  
幽尋飯綠髓默卧誦黃庭顧我塵土中深慰夙心傾  
仙人吳門卒解逅煩寄聲相期朝金闕鶴馭何時征  
考亭陳國器以家釀餉吾友人卓民表民表

以飲予香味色皆清絕不可名狀因爲製名  
曰武夷仙露仍賦一首

二年飲水閩中村忽見玉醴傾巒尊涓涓醍醐灌熱  
惱耿耿沆瀣明朝暎早塵久漲城市暗渴夢欲挽江  
湖吞何人遠致雙鯉信知我來扣羅雀門不須邀月  
已清絕尚恐熨齒當微温要從華池汲真液豈獨玄  
鬢薶愁根微芒已識投轄客姝媚似返當壚魂奇功  
誰續伯倫頌妙意要與淵明論胷中我自有涇渭筆  
下君已傾崑崙詩成寄與約他日飲君與我空瓶盆  
久旱新歲乃雨

高田土可麓下田不受犁遺蝗憂插啄况乃麥未齊  
赤子天自憐溝壑忍見擠雨逐新歲來停雲忽淒淒  
莫辭三日霖為作一尺泥汪汪既沒膝灑灑仍拍隄  
漸看簞笠出笑語喧吟畦我欲與寓目父老同攀躋  
此身群萬生擾擾舞甕雞曾亦無幾求脫粟配羹藜  
永言故隴耕老眼路淒迷好收斂版手鋤耨歸自携  
春日與卓民表陳國器步出北郊

灼灼桃吐華濯濯柳垂縷芳菲挽人出春力乃如許  
嗟予閉門客佳節過不數不因可人呼那得幽步舉  
客如山陰勝詩作斜川語離言一尊酒妙處合千古

歸來讀殘書耿耿霜月苦空餘流落心三歎非吾土

蔬飯

蕨拳嬰兒手笋解擇龍蛻薦羞杞菊開采斲烟雨外  
嗟予飯藜藿咽塞舟沂瀨朝來二羹兼一飽良已泰  
克腸我誠足染指客應慨平生食肉相蕭瑟何足賴  
王郎催牛炙韓老憶鯨鱠俠氣信雄夸戲語亦狡獪  
我師魯顏子陋巷翳蓬艾執瓢不可從一取清泉酌

戲贈吳知伯

條侯得劇孟吳楚坐可馘我知無能為失此一敵國  
偉哉奇男子俠氣橫八極書生復何者翫髀老筆墨

刺口論安危事往竟何益匹夫嘯空野驚塵一方塞  
區區空有意浩蕩洗鋒鏑何如吳王孫語輒面浮赤  
交游得朱亥負販鄙膠鬲腰間鉄絲箭上鏃紫塞翻  
笑指蛇豕區喊此而後食諸公未備知欲薦恨無力  
明日我過君烹牛呼社客當書游俠傳令子姓名白

送僧

空中世界紛河沙不知底處爲天涯乾坤百億在指  
掌觸處與子同一家云何猶作去來想千里一跌毫  
釐差坐令契闊費星紀嶺雲欲寄山川遐撥眉相對  
此何日丈室淨掃餘天花詩豪辨舌久投閣萬竅寂

歷風無譁爲君遊戲出三昧妙處那復相聾牙往將  
妙響應空谷一任飛錫凌蒼霞

招民表

清眠有味日方永褊襪妨人推不肖疾草尺書招故  
人一水未濟豈非命此身何啻千金直天下未可兩  
臂等垂堂之戒其敢忘晚識風波失前猛天憐我輩  
少如意曉起屋梁飛倒景側身鳥行溪上路遙知倚  
筇喚烟艇信眉相對真夢寐豈不惜此一笑願莫談  
世事令舌強快讀新詩頻首肯與君好惡真磁鐵失  
足塵途若爲騁北窻風月夜吞吐持此邀君共幽屏

淨洗多生內熟塵更有僧廬千尺井

秋懷十首

一

秋風來幾日我髮白已多千林了未覺奈此一葉何  
宴坐閱流光一眄寄庭柯寒蟲獨何者唧唧夜自歌

二

塵埃地上臣天闕無力補夜叉呵九關嘗膽真自苦  
寄牋東南風儻得蜚廉許尚當求妙斲君氏無乃魯

三

蒔蘭西窻下蕭艾病其根白露墮秋夕美惡兩不存

寂寂芳畹空離離幽佩昏物各信所遭此意誰與論

四

月林踈愈明露草淨可拭飛飛螢透照軋軋蟲自織  
移燈檢書讀千載如經夕微言契夙心妙解失陳迹  
文章事雕琢回視真兒劇世無揚子雲此理誰見直

五

宴坐自觀我中深抱天機從知月勝火胥失兔與蹄  
大虛同一如浮雲渺何依悠然淵明心千載與我期

六

林臯一葉脫靜士最先知自我抱茲獨悠然星氣馳

乾坤一逆旅鼎鼎竟何為枯榮俯仰中兒輩浪自悲  
青雲歟難必白髮不可辭得飽良已泰雨畦瓜芋肥

七

了翁卧淮楚德望臨一世憂時九迴腸醫國三折臂  
四海一滔滔揚湯不止沸斯人倘可起姚宋何足繼

八

反身聖可作自恕惡易盈昨非往莫諫今是來足程  
幽人歲晚粟樹者夷跣拜慨然釋七歎諒知負平生

九

甘菊卧風雨枯荷暗池塘達人聽榮悴志士費感傷

亭亭岩桂花已作宮槐黃諒無青霞客誰與媚孤芳

十

江海有一士補衮抱經緯帝衣日月明袖手久不試  
九閩隔雲雨誰肯借一臂絃急而調卑此歎同萬世

和謝綽中觀瀾亭

方塘灑宿漲曲澗來飛湍光涵鬱藍天傾洞碧玉寬  
小亭塵土外瓦影浮朱欄霜渚寫秋色烟林養漁竿  
佳人秋霞衣皎皎明月冠欲濯且無塵隱几得妙觀  
海若眩河伯等在蝸角端那知坳堂上盃水生濤瀾  
雲間謝公子五字冰雪寒展讀勝圖畫經行記林巒

九垓未暇遊據殼諒匪安一到定何日眷焉抱長歎  
寄題陳國器容膝齋

淵明乃畸人遊戲於塵寰南窗歸徒倚宇宙容膝間  
豈不念斗米折腰諒匪安是非無今昨飛倦會須還  
國器青雲姿逸志追孔鸞曲肱數椽底尚友千載前  
規模琴書室料理松菊緣心遊萬物表了覺函丈寬  
念君方適越昔至誰云然要知丘壑志本出軒裳先  
瑣闥麗宸居追飛不云艱回車莫待遠泉石聞此言  
約金確然不至

門前北風裂我襦知君未能出僧廬恐看烟雨凍梅

膚南枝北枝香欲無可無一杯相煖熟道人酒熟不  
用沽區區濡沫浪辛苦安得共似江湖魚

確然雪中見過

雨斷雪將墮天低雲可攀誰穿東郭履來款山陰關  
故人金公子身窶心甚閑道機久純熟世味飽險艱  
一杯不可緩輒此雙脚頑未忘膜外境忽湧胸中山  
白眼槩六合誰云書生孱萬類宅天壤細觀真市闥  
攫金掩醉眼倚門眩朱顏哀哉兒女態今古可笑訕  
坐令一世豪偃蹇棲茅管先生談天舌久挂屋壁間  
置之且默坐觀我無所還紛紛造物機顛倒轉愚姦



於我何所歉莫歎篋瓢慳

常齋集卷之一

常齋集卷之二

新安朱松喬年

古詩

書僧房

陸續流泉自成句來擁紅爐聽山雨道人更有深深處  
詰曲如珠蟻絲度几斫無塵寒欲霧雕盤篆破孤  
螢吐味如爵蠟那禁咀茶甘未回君莫去

題蘆鴈屏

征鴻坐何事天遣南北飛蕭然如旅人無情自相依  
孤鶩吹欲折秋風不勝威冥冥一孤鶩空費弋者機

寒聲落烟渚相應不我遠嗟我識此情手納空歎歎  
安知丹青師落筆迺庶幾畫形孰不工畫意識者稀  
他時因吾句購此千金揮

題臨賦軒

蒼山圍岑寂下有一水奔閉戶卧風雨束蒿翳籬藩  
寥哉祇樹人心遠忘世喧此身自遠廬長物餘此軒  
鳥語幽夢斷香橫經帙翻未成借路行自要窺潺湲  
遠師淵明意不愧靈徹魂月度了無迹風行偶成痕  
心境兩清妙尺喙何由吞賦詩安所取碧雲未足論  
何當拂朱絲窈眇絃吾言

答佛安江師送米

不見道人久天涯歲云除朝來食指動忽接送米書  
念師折脚鐺五合未省餘雖無覆餗禍尚有乞食逋  
云何憐孤客日受飢火驅未曾貸監河矧肯索胡奴  
誰言斗升意矯矯超萬夫嗟予事筆耕輕棄南畝鋤  
恩煩方外客此計良已踈何時事粗了歸葺五畝居  
生涯寄緯竹豈即非良圖不為泉壤蚓願學江湖魚

陳德瑞饋新茶

空山冥冥雲霧窻春風好夢歆殘缸朝來果得故人  
信微凸而么犀銜雙貴人爭買百瓔珞此心兒女久

已降坐觀市并起攘袂念之使我心紛龐領君此意  
九鼎重雖有筆力安能扛何時來施三昧手慰我渴  
夢思長江

次韻希旦喜雨

驕陽挾酷暑何啻虎而翼高田土可麓况迺耕與殖  
風伯真可訟雲合吹復拆那知下土民糟粕配橡實  
古佛棲巖隈旱沴豈吾責應緣賢令尹閔雨巧法力  
積陰暝山谷流潤淒几格朝來賀客散置酒浣愁疾  
古詩成雲外險句動潛蟄旋看蓑笠出競喜溝澮溢  
謹言令與佛念我一何悉嗟我困蒿藜最覺民可恤

何當問牛喘免使訴魚失九關虎豹守懷此欲安適  
誰哉此心同吾飽將何日

古風二首寄汪明道

紫蘭初茁芽深壑終自秀翫翫蕭艾中不采則誰咎  
兒曹逐紛華壯士保窮陋應知此調同萬世無先後  
又

俗士白人眼從誰明此心不欲故人見訶我車轍深  
蕭然江上廬客卧詩書林得句不相寄誰賞氣駸駸

建安道中

吾生意行初不謀泛泛何啻波中鷗携家來作閩海

夢三年客食天南陬我先人廬在何許大江之左道  
阻脩奉新家有手足愛隻身歸掃先梧楸旋當來此  
營斗粟南北顛倒無時休此心轉與世事左自作磨  
螳將誰尤安知不滿達者笑窮達一戲如觀優咄哉  
吾語亦已墮且與造物同浮遊

書事呈元聲如愚起筆三兄

隱吏朱墨暇飽眠北窻風時呼方外客逃暑尊酒中  
寂寞杜拾遺四壁口不供坐取盤飧疑哀哉豈天窮  
何如平生友磁鐵間不容每懷千里駕今作五斗逢  
吏行散鳧鷖楸局收鸞龍共話十年舊事往如飛蓬

浮榮真一戲何者為窮通應須河漢語淨洗芬蒂胃  
僕夫適在門客醉尊亦空更為後日約及此芙蓉紅

寄題起莘家義軒

貞觀盛德後餘慶未渠央舊聞閩海家欲縱燕山芳  
教子嗣先訓開軒翼中堂地偏市朝遠几淨書簡香  
先生陳太丘飭靡百憂忘弟子真羯胡不聞觸屏僵  
一變豪俠窟遂成鄒魯鄉下車里門外他年看諸郎  
坐上紆素髮洗洗立冠裳我詩自可絃請以侑壺觴

梅花

山深春未動沙淺水欲冰玉梅於此時靚粧畧無明

露藥欲的皦月枝挂鬢鬢儼如江漢女可愛不可陵  
他年江南路曉粧犯嚴凝尋香烟雨中橫斜插茱萸  
却數今幾日癡如秋後蠅北嶺枝欲空誰與扶一登  
聊分窺水影依我照字燈坐使惜花夢臨風脚騰騰  
昔如夢中蝶今學桑下僧了知菩提長念起吾何曾  
十一月十九日與仲猷大年綽中美中飲於

南臺

空山欲雪雲冥冥玉梅半開吾眼青此身垂欲走塵  
土聊復舉酒看崢嶸折腰向人不知耻故園可鋤在  
千里金昆石友一開眉珍重道人相料理楚江東岸

先人廬竹君安否久無書歸歟何時應白首我食吾  
言如此酒

春社齋禁連雨不止賦呈夢得

歲豐農猶飢歲惡何可說哀哉半菽氓罪歲同一舌  
年時旱塵漲臘盡不見雪青星忽雨我萬頃麥苗活  
令尹民父母溝壑思手挈祈年拔齋居有酒不忍設  
那知桃李徑狼籍香泥滑芳意一如此坐恐及鷓鴣  
郊原佇開晴出勞南畝饁秋成已在眼一醉宇宙豁  
更呼漣裙人勸北側帽客和公斜川詩磨石鏡歲月  
次韻夢得見示長篇

雉馴不因媒鳩暖自呼婦詩成桃李陰知是霹靂手  
簿書我亦厭丘壑渠自有却憐支離疏飽食得薪爇  
俗夫嘗世味甘苦半噦嘔知公超然處心跡兩無垢  
愁陰老芳物蟲鳥故相誘浪蕊費收拾柔條可結揉  
豈無我輩人一醉開笑口那知市門底客倦枕兩肘  
眼高可人稀命蹇亨運偶平生願執鞭見謂予小友  
細觀愷悌心宜在帝左右却來塵埃中寂寞對五柳  
鷩音藏鵠羽正待荆難剖學政客窺譜問字當載酒  
虛名翻誤夢恐坐箕與斗言詩終不稱永愧賦瓊玖

久雨短句呈夢得

身閑書有味吏傲俗不親小窻據物表掃盡心眼塵  
令尹垂珠玉敲門喚行春作意向芳物吾車曾未申  
愁陰入病骨鳩婦聲亦嗔冥冥三日雨桃李迹已陳  
空餘深枝間一一青子新穠芳殿春晚猶堪慰佳辰  
酴醾曉妝靚芍藥醉臉勻日萼簪娟娟風危倒粼粼  
言當呼短舞抵掌回雙鬢年來得相從稍覺安沈淪  
豈不掛俗事察公極清真眼中醉鄉路風味良獨醇  
流光不容玩尺璧何足珍漓俗益可厭願言勤問津

牡丹酴醾各一首呈周宰

珍藂壓朝露無人羞欲歆春風醉香骨綽約不自持誰

局

憐曲肱人一笑遣穠姿不言意可了君醉當勿疑  
妝淡洗逾靚肌香薰不成皎然月露姿一笑午景晴聊  
移夢蝶牀相對戶不扁誰令風雨暴睡起春縱橫

次韻夢得殘紅芍藥長句

十日愁陰病不出卧看春歸無計惜詩翁遣送淮海  
春衰眼熨開雲霧拆胭脂注臉勻未遍肉紅借酒生  
真色了知造物着意深傾倒春工不餘力年來不顧  
溱洧女載酒非公復安適且將妙句寫餘妍欲立佳  
名付精識一春頗困歌酒汗回首紛華三太息願言  
乞與洗心方歸對爐香誦周易

宿禪寂院

夢中一葉搖江湖困睡不覺身藍輿眼明佛屋麗丹  
碧瓦鴟鵂鳳凌空虛疲民日者困苛索半作頰尾相  
濡魚鵜鷓數畧兩不置肯念竭澤明年無道人誰與  
辨此事斤琢千指開渠頗疑如幻三昧力上方手攬  
歸吾廬了知舌本法輪轉咄嗟檀施爭奔輸不辭割  
愛一念善誰謂歲惡窮民愚書生袖手對溝壑力不  
能援心煩紆事無大小成者少談說治亂何區區調  
卑絃急誠齟齬鑿圓枘方尤闊踈古今罪歲同一口  
撫掌一笑皆愚儒

詩約范直夫遊萬葉寺觀瀑泉

萬侯隱下吏吏夙尚本立園身投攫金市藪書以自藩  
炯然如孤月不受黃流渾要知句律工競病何足論  
我生群未俗涇渭非一源同心無楚越傾蓋如弟此  
人生各有投後不暇捧一尊風蒲掛南浦念欲東南奔  
對牀定何夕青燈照晤言懸知知詩處千尺銀河翻  
次韻夢得見示之什

居楚求齊音美惡不同土喧陋俗物華群復有佳處  
時從玉壁人商畧窮萬古詩如粟牛戲誤得摩頂許  
望道湫逾遠久生真暫寓忍持尺壁陰空作秋蟲語

微言儻傾倒河漢濯肺腑向來說詩口自此行可杜

送甌寧魏生赴武舉

生後與金虜戰有功戰受於耶

建安少年請纓客橫槊賦詩兩無敵辭家去作入彀  
英氣拂天狼夜無迹廟堂尺筆鞭羗胡智名勇功付  
壯夫引弓沒羽世自有敢聞上策當何如

陳仲仁止止堂

以我有限景逐彼無涯知失足踐畏途投身試危機  
舟車日奔覆定無立與夷萬古踐此轍嗟我與誰歸  
仲仁古靜者懷璧照褐衣名途嘗一戲回首羞前非  
心如得坎水不受狂風吹功名憂不免當復定所之



請觀本無作，今復止者誰。築堂市門側，著書園不窺。  
蓬藿深一丈，圖書周四圍。時有好事人，載酒問所疑。  
攫金奮敏手，倚市誇妍姿。回光時自照，何者非吾師。

送志宏西上

九州眼一粲，餘子真瑣瑣。嶽立培塿中，喜此高岷峨。  
如公我輩人，取友亦到我。揮毫賦垂天，風雨卷蓬顆。  
相期八表遊，未覺夙心左。解龜醉江閣，酒面山月墮。  
起瞻帝鄉雲，感歎不成坐。何須飛霞佩，自辨凌風舸。  
瀛州渺溟渤，萬里一掀簸。緘詩寄天涯，秉燭對新火。  
那知市門仙，斗祿事么麼。空餘腸九迴，上疏何日果。

有懷舍弟逢年時歸婺源以詩督之

木落天未霜，君歸定何時。相思如驚鵲，中宵未安枝。  
夢中見阿連，鏘然詠新詩。寤驚衰葉翻，謂是步履移。  
攬衣下中庭，風露浩森瀾。遙知客衣薄，歸來一何遲。  
平生短檠燈，相對忽解頤。萬古一舒卷，佳處良在茲。  
是中及物心，上與稷契期。援古以自例，自笑無乃癡。  
夜叉叱九關，側足不敢窺。坐令一寸心，日抱二柄疑。  
遲君商畧此，強得兒輩嗤。况乃綠髮親，倚門鬢欲絲。  
豨膏非鳳喙，車轄無可脂。再拜壽百分，斑衣舞參差。  
秋芳未云歇，采采黃金蕤。萬鍾不足樂，古人豈吾欺。

九月十七日夜度蔡道嶺宿弥勒院

月出度松嶺露香菲羽衣肅肅夜氣清蒼蒼烟輕微  
川光浴秋容蘿影挂夕輝冰輪碾空闊飛轍無因依  
擬掬星渚波恐觸天孫機倥佯何時見沈壑聊揮  
未應青霞志即與素願違稍休塵外軫想此巖下扉  
清吟寫萬籟妙想絕百非不須河漢言盡紛華園  
飛仙亦戲劇玄學乃庶幾鰲山切丹極歲晚行將歸

遊鄭圃

城郭不去眼而得林壑娛低回撫壯心欲吐無與俱  
鏗然一枝筇細磴爭樵漁挽衣徑與飲不省誰爲吾

女貧苦難妍

女貧苦難妍士貧苦難高了知論此者不識一世豪  
此身百斛鼎流俗欲手操寧當捨其中局促計所遭  
頗疑有若人骯髒棲蓬蒿考槃一丘壑光景不可韜  
斯人不我忘空復踰垣逃軒裳亦云華唾去如腥臊  
哀哉夸毗子擾擾冠猿猱恬無濟世心悶默死滔滔  
竭來事斗祿俛仰身桔槔一官戲人間幾何非饕餮  
誰言眷此幘擲去輕秋毫區區欲驕士一哭嗟兒曹

谿南梅花

嶢嶢石逕鳴枯筇意行詰曲無西東心知幽壑梅已

動一枝寄我曾未蒙暗香橫路忽驚顧冰蕊的皜蠻  
烟中有如佳人久去眼邂逅相得情何窮蔬畦壓霜  
翠羽亂已覺雪片接手茸嗟吾幸此來已晚攀條嚼  
蕊聊從容玉仙遊戲下塵世絕艷一洗朱鉛空不知  
閨苑在何許叱回風馭無忽忽溪塞沙淨迷俯仰坐  
待山月來朦朧豈無尊酒相煖熱錦裘起舞如驚鴻  
仇池老仙羽化久妙曲三疊餘仙風歸時醉倒不知  
一作和明日來此誰能同

再和求首座

道人昔曳菟爐節五老負雪溢江東犯寒貪覓玉梅

庫本作羨唐

句雖有衲被何曾蒙歸來苦雨熟梅子卷械深卧蠻  
烟中詩傳絕境忽入手置我鄉國情何窮十年不踏  
江上路漠漠海氣昏貂茸異鄉歲晚慰流落一笑賴  
此冰雪容嶠南絕唱誰敢和騎鯨人去塵寰空崑墟  
下視堪笑閔雕琢肝腎愁忽忽那知幽子雲雨上風  
斤玉斧修腫朧讀詩今我一回首杳若目送孤飛鴻  
何時晤語折鐺側坐聽萬籟號天風拈花特地兩顏  
解他時與子真參同

奉酬令德寄示長句

開官屋舍如幽棲寒苦餘業償益蠶忽聞鵲聲作破

今此亦合

以月

竹尺書入手誰所齎交游勝絕似公少矯矯鸞孔依  
蒿藜青冥側足在咫尺誰使狡獪指其梯秋風溪上  
共樽酒擺落羈束忘矜畦紅裳起舞意未足缺月銜  
嶺星河低只今跌宕走塵土清夢徃復無山谿新詩  
驚怪爛盈幅筆力拗怒蟠虹霓遙知槃礴小窻底得  
喪已著一理齊此生同困造物戲未覺與世誰雲泥  
雖無絕唱追白雪賴有妙契如靈犀一笑從公豈無  
日挽袖相屬空玻璃不須俗物敗真賞但覓佳處同  
舉躋

答林康民見和梅花詩

寒崦人家碧谿尾一樹江梅卧清泚仙姿不受凡眼  
汗風歛天香瘴烟裏向來休沐偶無事誰從我遊二  
三子鸞碣曲逕一攜手凍雀驚飛亂英委班荆勸客  
小延佇酌酒賦詩相料理多情入骨憐風味休倚橫  
斜嚼冰蕊至今清夢掛殘月強作短歌傳韻高  
常恨句難稱賴有君詩清且美天涯歲晚感鄉物歸  
歟何時路千里枕樓一笛雪漫空回首江臯淚如洗  
上下餘幡置酒招綽中德粲德忘逢年

我生無幾求畢願老葭茨誰令事斗祿飯糲羨不糝  
書生亦可憐微物有先感朝來食指動睡肉豐咀啖

恭惟魯司寇道大長坎壈空餘祠千載不致陳蔡慘  
永言百世師願學吾豈敢當飢不忘歌既飽復何歎  
安能如王孫長物貯願領急呼講肆人一醉捨鉛槧  
相携桃李徑歷亂蹴紅毡言強三尺喙氣溢一身膽  
平生超然處獨嗜逾昌歎詩成持似君莫遣兒口覺  
用綽中韻送正臣正臣欲歸隱而無資故  
其意以告識者云爾

華裾錦領烏紗幘氣蓋當年五陵俠胃中醜石礪不可  
平拂衣歸來抱長缺軒然寄傲楸枰間長恨坐隱非  
雲山相逢笑我春微粟我歸未可君何難世人錢口

牛吼音誰能立談壽千金空令擁鼻誦招隱知君心  
在仙峯陰故山自欲無歸期作詩但擬淵明詞却愁  
他日林下信千里寄我唯當歸

秋懷六首

一

庭柯一葉失風挾涼氣歸湛湛陂水青芙蓉脫紅衣  
非無岑寂士句法妙玄暉獨懷履霜戒德人貴知微

二

真儒六經學文字聊解紛長孺棄諸侯漢庭相公孫  
兒口乳未乾妄作黑白分誰能領斯會事往風中雲

三

導江自岷山源淺觴可濫下集大小川千丈水府暗  
策策井桐源回回窻月淡後生抱奇志黃墨勤點勘

四

市朝富危機匹夫死憑何河何如狎鷗子烟雨同一波  
行藏各有趣不在相詆訶我師陋巷人千古冠四科

五

穿堵超玉繩影倒夜窻寂火雲一洗空月露清欲滴  
幽人負病卧起坐三歎息歸同對牀弟晤語永佳夕

六

揜窻耿不寐道人亦無惊故山新稻香粥魚響枯桐  
夢中信了了推枕聞西風少遲穉金壯歸轡與子同

逢年與德粲同之溫陵謁大智禪師醫作四

小詩送之

丈室揜槐夏與君同卧病平生莫逆人裹飯誰見過  
躄躄起鑑井萬古寂不液波觀心要知是造物如吾何

又

六年別故山松竹故無恙此身已天涯飄走復何向  
清源老醫師砭屨出投杖勿辭一往勤挹彼上池漲

又

石梁跨嶠山永與方壺久憑君持一盃往酌濟川手  
遙知相携處溟渤浸箕斗作詩問大釣猶有斯人否

又

山河我四大物我同一體誰為苦疾癢搔按不容擬  
多生抱此念耿耿未云已那知知魚樂更有濠梁子

與陳彥時會華嚴道人偶書

屋頭烟雲屯屋下波濤喧團欒坐已久起扣丹霞門  
客至苦舌強目擊翻無言元龍湖海士懷哉夙契敦  
清坐鼎足峙妙語流潺湲君遊華嚴海貝葉手自翻  
此心於身世鳥度空無痕笑我流浪中久披業誠吞

披於被

讀書談古今綺語生禍根望道渺未見况迺躡其藩  
職卑困掣肘見溺不得援未知造物心頗復哀黎元  
近窺顏稷意未敢遽拚關躬耕亦細事會要五畝園  
釋羈牛在牧駕鼓馬伏轅居然見優劣不比魚熊蹠  
持問跣趺人一笑霜眉掀相携妙峯頂暝色窺遠村  
解衣畧葷行班坐寒芳蓀欲歸意未已幽徑相與捫  
蒼崖出玉醴不受瘴毒温願言同酌此我語庶不謾

書旃欄院壁

側身西來度千山列仙去空孱顏斗升自役應笑  
我何苦語曲嬉塵寰歸耕無田仕難合疑此二柄首

鼠間摩挲崖石三歎息我心安得如汝頑

次志宏韻督成壽置酒

歸耕食吾言回首愧江水方爭揚子席誰置穆生醴  
鄧侯傾蓋舊小寢<sup>地</sup>藝桃李走書納唱我涎涎齧唇齒  
朝來獨何事怒色劇染指雖微射鴻遊顧有拱手鬼  
平生談天口得酒便鋒起年來病不觴但要謳貼耳  
真成畫蛇足足就酒空矣樊川吐怨句想見紫雲美  
何時咄嗟辦一醉吾亦擬樽<sup>音</sup>聽群兒口實爭笑鄙

內弟程十四復亨歸省用綽中作二章送之

舅家今三世筆耕未逢秋後生抱奇志肯為蠶鹽留

先廬江遠城歸路柳暗洲勉哉倘有立離闕何足憂

又

讀書學經綸及壯吾已晚譬如抱宿春<sup>春</sup>求適萬里遠  
留君商畧此歸袖不可挽流光莫控搏力學副深慊

常齋集卷之二



帝齋集卷之三

新安朱松喬年

古詩

三月十日遊報國院小軒頗幽勝為名曰雙  
清仍書此詩

千峯收宿雨坐見空翠滴携筇出城隅試此腰脚力  
竹陰穿窈窕僧戶扣岑寂小軒清樾底磐礴聊自適  
闐然見幽禽百轉深按陳翰即此與晤歌絕勝眼前客  
幽懷層冰結顛顛不可釋忽如散春風回首無處覓  
天遊失六鑿真觀了千息乾坤鼎鼎中指馬坐可一

不知雙清老何者為心迹持問跣跌人首肯復面壁  
山烟明欲合歸舸兀深碧此心除溪月同同誰復識

次韻謝綽中遊報國寺詩

掩關味詩書青簡亦已槁相携出東城及此風日好  
僧簷覆谿淥共取一尊倒眷此松挂陰不接車馬道  
慇懃玩流光齒髮行且老諸公其九鼎帝室欣再造  
優遊客我輩放浪事幽討念君東山姿文字富天藻  
風期在經綸彈冠若不早寧知如子雲白首太玄草

丁未春懷舍弟時在京師

狂虜送死河南北王事遙憐弟行役胡命須臾魚在

鼎官軍低回鷲將擊渴聞天語十行札尤覺家書萬  
金直何時同東江上犁萬里農桑吾願畢

五言雜興七首

一

側席憂宗周負病頭岑岑又傳衢梁盜弄兵保山林  
渴聞平虜詔蟄戶跋雷音欲舞恨衲短諸君獨何心

二

黃香卧講肆日蕪五畝園兒誦聲九雛未厭咽耳喧  
古來避世士或隱車馬門云何北窻底默默對幽篔

三

聖門出嵩岱，領畧千兵卒。久矣暖妹子，蠹魚槁書林。  
曾參一唯後，曠古沈此音。願君同鑽仰，滿我初地心。

四  
丹白春事了，灌木忽暗園。卷書護岑寂，幽鳥時一喧。  
起携無事酒，往扣常關門。豈無素心人，之子不可諼。

五  
讀書評世故，自許了無猜。忽然撫機會，往往鑿柄乖。  
時難既可歎，道大未易涯。歸來卧看屋，吾意亦悠哉。

六  
湛湛天宇清，宛宛穹脊白。投深得僧窻，千嶂倚蒼壁。

七  
開卷與晤言，炷香伴岑寂。獨將萬里心，收斂入尋尺。  
身輕客已去，睡美體新浴。南風吹好句，歷歷韻松竹。  
雖云天耳聽，擬以幽夢續。不辭舉似人，恨汝心眼肉。

遊西峯院留別友人  
兀兀掩關坐，后土冒泥塗。繁陰忽披猖，懷哉歎離居。

八  
春我二三子，共此一日娛。欣然忘華陋，意行非始圖。  
園竹粉黏帶，弄泉雲透裾。共睹羊山棋，不釣溫水魚。  
野色一以暝，歸舟相與拏。豈無軟脚酒，新熟不用沽。  
急景棄尺璧，中原睠丘墟。丈夫患不免，低回竟何如。

安能逐見輩飛翔爭腐餘但憂着鞭子滯留嘲賈胡  
飲梅花下贈客

憶挽梅花與君別終年夢掛南臺月天涯谿上一尊  
酒依舊風卮舞香雪高情絕艷兩無言玉笛冰灘自  
幽咽却憐造物太多事更要和鼎調人舌浮生蹤跡  
風花裏鼠壤珠宮孰優劣且當醉倒此花前猶勝相  
思寄愁絕

次韻和吳駿卿

學道日已媮干時心同嬾同懷能幾人俛仰風雨散  
晚得吳王孫抱釁戢高翰由來清廟質不賦白石爛

笑我塵土中坐受微粟絆新詩中音會天律度絃管  
未能載酒問但作焚硯歎况聞翻貝葉一悟了真幻  
文章迺劇安用黑白判何時商畧此得酒不待勸  
求道人自尤溪來三山出示同徐侯遊龍門  
洞長篇因次其韻濟之時以檄走諸隘

阿游陸沈文亦復太癡絕未成安一枝况乃辨三穴  
唯餘愛山意如水必東折首鼠今幾年顧影愧瓊瑛  
那知龍門客塵底抱關闌虛簷日偃仰蒼壁對橫堦  
柱藤危蹬響濯足細泉潔束薪取竒觀滴乳當嘉設  
摩挲石蜿蜒信矣耆舊說歛疑卷風雨凜若踐冰雪

遠追神清遊復作武陵別能詩有老休聯句媿前哲  
相逢快吟哦疊々霏鋸屑三山今入手瀛海僅可啜  
崎嶇走林谷王事煩此傑擬結汗漫期更待換捨滅  
吳駿卿寄示和黃元廣詩多及古人為己之  
學輒復次韻資一大笑兼簡元廣

四物覓安心駕言無停驅忽然休歇去本自一物無  
那於前後際而有新故吾知津恨未達敢以偷自愚

又

君居泥自蔽隣客旅兩足詩成客超然不復念瓶粟  
應憐市門客俯仰對流俗出言不媮媚人瞋大於屋

又

我生非瓠瓜於世豈無情望道渺未見諒知負平生  
將求捏捏獲奈何鹵莽耕饑壤聽造物吾願乃秋成

次韻鄧天啓遊南國

秋犬吠夷門誰能拊其背懷安壯士羞竊食替操耒  
無由一當虜鬱々嚼齒碎故人何自來適與芳時對  
笑我塵土中勃窣守闔闔城南出携手遠取韓孟配  
心期汗漫遊目極沈寥內舞雩追點也峴首畧湛輦  
豫愁君興闌復遣我心憤歸來疑夢斷清境皎不昧  
哦君斜川詩汲井沃枯肺願言薦清廟勿賦風雨晦

徐侯以詩送山藥次韻

山中白玉延，貴壓梁宋價。筠籃出輪囷，了不煩造化。  
因傳競病句，中的若神射。頗念坐穩人，鞍馬久不跨。  
谿橋梅欲動，玉雪短枝亞。何當全嚼蕊，一醉山月下。  
次韻酬求道人

聽君話匡廬，風月妙無價。鑪峯忽在前，俛仰疑幻化。  
新詩未出袖，光怪炯如射。懸知得力處，島何不足跨。  
家山為誰留，鑿粥香擺亞。我亦懷秋江，波清鴻鴈下。  
求道人示詩，粲然有江湖間道人風味。蓋嘗  
得句法於口口口今以其韻作詩送之。時將

島查

如瑞峯期朝夕還吉祥云

癩可湓江濱，覓句負光價。君為東溪客，伏鵠資妙化。  
想見箭鋒機，相拄不停射。伽陀入三昧，湯史欲凌跨。  
常齋語清夜，挂月松偃亞。他年約相逢，禪榻慎勿下。

贈永和西堂道人宣和癸卯十有二月中休  
日

蒼山抱岑寂，丈室掩虛白。道人塵機斷，宇宙一西壁。  
是心如焦穀，浩劫永枯寂。一句從誰聞，投老承此力。  
相逢不相問，未省誰主客。咄去真俗人，胡為來殺殺役。  
彥時過永和，見和拙句輒復次韻以發一笑。

老詵不下牀，曾次紛黑白。彌明亦強項，得句斲負壁。  
相逢復何事，一笑萬慮寂。新詩追舊韻，俯仰見筆力。  
何時折鐺傍鼎坐，無主客區區。竟何補斗粟，真自役

甲辰七月二日宿永和寺用舊詩韻

湛湛天宇清，宛宛穹脊白。投深得僧窻，千嶂倚蒼壁。  
開卷與晤言，炷香伴岑寂。了無魔媿夢，皎皎知道力。  
鳴珂綠槐影，想見下朝客。笑我守吳門，心形等相役。

寄陳蹈元

我生少所可，靡靡世一律。如君素心人，指不三四屈。  
久與宵人遊，歸卧常自失。效尤起媮心，阿意增美疾。

低回強酬酢，高論形敢出。緬懷參同子，蚤入伊洛室。  
聞道既先我，論詩又奇崛。縱橫談天口，卓犖扛鼎筆。  
勝我何足云，論文敢自必。桓公肯見規，寡過行有日。  
書來約過從，一笑破蕭瑟。新涼宜燈火，永夜勤書帙。  
豈無一尊酒，少促軟語膝。更呼小叢歌，未怕官長詰。  
跂予占騎氣，千嶺秋回鬱。著鞭及清境，灑灑月華溢。

次韻張漕茶山喜雨

庫本缺二字  
天公積憤何曾雪，遑恤茶工貪攬擷。無聊桃李困遲  
暗白，鳶紅飛亂擷。誰疏天漢下穹窿，苦厭風霾昏喘  
嶽行臺使者掃雲手，醜酒叢祠拜靈筮。歸來一雨動

嶽  
嶽

千辛二字

三日溝壑遺民起垂絕豈唯槍旗各呈露更喜筍簾  
爭芽茁明朝擊鼓萬指集雲蹬携羸穿曲折紅塵一  
騎天容開顧渚蒙山坐鐻歌帝觴嘗罷思苦口公如  
千辛字心魏闕金鑾諫舌夜生塵回首山中記同啜

沙谿口望梨山

衆山如連環平野忽呀口孤峯插深雲氣壓萬壑樓  
區區何足傑落落終自負我行清谿曲鶴立倚筇久  
拂衣竟何時塵土坐自垢長梯弄玉井奇字窺峭嶮  
心知不能去照水顏甲厚永懷山中人獨立誰與友  
神交解此意長嘯震林阜

寄仁王求首座

片帆西借東風力回首三山春一色何人孤嘯月中  
聞知是無塵岩上客風山武夷之宗支千岩萬壑帝  
所規天憐傲吏賜我履恨不與子相諧嬉問法年來  
定成市藤蔓遙知冒衣袂手攀荔子約同嘗絕勝林  
間啄殘柿

汪彥允見和約遊東山作荔枝次韻

天工傾倒不餘力唯有荔枝香味色君家桃李要爭  
妍腸斷鬢絲禪榻客書生甕殖天所支煮茗誇妓非  
良規腹飢眼寒君不忍着詩噴作東山嬉冰盤絳實



光照市歸來香滿巫陽袂明日人傳玉蕊仙絕勝空  
賦青龍柿

止戈堂

高堂巖巖面勢尊洞見萬井開重門元戎務簡玉帳  
靜緩帶酌客娛朝昏憶初餓隸起篁竹一嘯千里來  
黠髡將軍攬鏡媚中幘何異搏虎驅狐豚只今休父  
八州收身佩重寄憂元元驚塵錯莫羽書密雖有美  
酒誰同樽沈機且復長轡御瀝懇何啻血面論樓船  
一夕飛度海漢家上將來天闕狂童束手赴烈火瑯  
戈不<sup>巧</sup>妖血痕坐譙飲至凱歌入船粟往哺遺民存

五兵包裹高閣東<sup>東</sup>止戈新榜真成言便當頻與方外  
吏從倚風月星河翻幾年牡籥飛不守河濟逆氣腥  
乾坤知公快挽天河手坐視點虜方遊菟權輿閩越  
聊小試寧復久此淹邀藩農桑萬里望公等願見四  
海無營屯

侏儒

侏儒飽官粟適市行勃窣但知隨衆笑了不見優拙  
暮歸遭客問悶默羞齧舌心知續鳧悲慎莫尤造物

中秋賞月

去年中秋雨野蘆淒薄寒驚塵暗一方客枕那得安

蛙  
於  
暮

起呼對牀弟攬衣步蹣跚握手仰太息宇宙何時寬  
今年中秋月並海窺濤瀾坐看鬱藍天忽湧白玉盤  
眷言雙峯客倚閭念衣單亦復取樽酒承顏有餘歡  
天涯等宇落世路方艱難且遵秉燭語毋為泣河歎  
停盃玩飛轍河漢靜不流癡兒亦不眠苦覓蛙兔看  
洲出暗潮落鬢衰香霧溥佳句付惠連何時解歸鞍  
記草木雜詩七首

月桂花

窻前小桂叢著花無曠月月行晦朔周一再開復歇  
初如醉肌紅忽作絳裙色誰人相料理耿耿自開落

有如貧家女信美乏風格春風木芍藥穠艷傾一國  
芳根維無恙歲晚但枯枿

萱草

水菽怡慈顏萬鍾亦土苴時從班衣兒執萱北堂下  
穠華夫豈少愛此入風雅紛敷翠羽叢絳英爛如赭  
諸孫遠銀鹿采摘動盈把誰言壺中春在此眉壽草

紫竹

新移紫玉幹羅列才十餘枝葉一何病意色慘不舒  
早久土膏燥抱甕愁僕夫雖無樵蘇厄苦欠雨露濡  
我來侶魚蝦滄溟在階除月窻瀉水墨天風韻虛徐

誰言居無友此君良不踈三年為主人擇孫定紛如  
他時報安否誰寄青泥書

茱菊

海上作重九菊探青蕊香近墟買茱萸枯穎出藥囊  
兒曹記土風歎歎事新穰老夫未免俗聊尔答風光  
災祥理不借此柄孰主張譎言肱末俗吾欲案長房

吉貝

炎海霜雪少畏寒直過憂駝褐阻關河吉貝亦可裘  
投種望着花期以三春秋茸茸鴛毳淨一一野繭抽  
南北走百價白氎光欲流似聞邊烽急綠江列貌貅

裁襦襯鐵衣愛此溫且柔天乎未厭亂利厚人益媮  
誰知海濱客獨歎無人訓

芭蕉

地鹵不敏樹珍植何由暢斲根移芭蕉美蔭跂可望  
芳心日卷書翠葉忽張王偏工鳴秋雨踈密耿難狀  
霜風一以厲狼籍坐惆悵誰言縵縵中秋子得佳餉  
緗囊貯瑞露厚味天所貺懷哉腊毒言節口畏生瘡

菖蒲

東山在眉宇未到心鬱紆流泉撞衰玉清冽生菖蒲  
聞有嬋娟子棄家來結廬窈窕雲霧窻參差冰玉膚

絕粒餽香節仙姿清且腴邇來隱身去冷落愁臞儒  
靈方無由乞石斗移根鬚相看意已消何必見子都

海上

落日弄雲海閣風欲手攀秀色不可解西山如連環  
緬懷避世人結屋棲孱顏眎世一蠟角笑憫觸與蠻  
我生笑癡仙遂恬升斗慳尚餘詩書債倖此朱墨閑  
纓冠出救闢安得長閑關仙人形識此妄自憑愚頑

送祝仲容歸新安

歷亂百憂心漂零一涯天讀禮不盈尺眼萎坐自憐  
君來訪安否春風柳吹綿篝燈語平生愀恍夜不眠

那知歲月度但怪冰雪堅感君懷親意使我淚貫泉  
高堂急榮養躬耕恨無田筆端日五色氣壓諸生前  
聖門要鑽仰至味研簡編經綸出緒餘文字忘歸筌  
他年間擊竹妙契琴無絃此時一瓣香竟為何人然  
江湖多北風懷哉歸袖翩刮目看奮飛此道更著鞭

次韻彥繼用前輩韻三首

餽歲

歲晚追土風獨甕誰與佐人心感流光臺餽屏奇貨  
雞豚取字柵門戶隨小大去鄉二十年憶此但愁卧  
兒癡元未識但索梨釘坐何時鷓識村莫作馭轉磨

不須志四方教子求寡過歸哉及強健老去煩劑和

別歲

舊歲已趣駕為我不少遲凡心畏增年而歲豈容追  
丈夫有蠖屈牢落天南涯收功英妙年豪傑彼一時  
寧當如秦越坐視瘠與肥隣翁意誠厚酌酒寬愁悲  
慇懃何時忘祝我致好辭撫世非吾事諸公互扶衰

守歲

庭燎夜未央旌旗煥龍蛇九門一放鎖萬馬誰能遮  
亂離憶舊事安眠夢無何日眩燈燭光坐厭兒女譁  
念此亦土風雖癡不容撾更為慮盧白戲紛爭起橫斜

故歲不足計新歲莫蹉跎努力誦書史從人笑翁誇

奉同胡德輝八月十四日夜玩月次韻

我夢故山月蘿影垂秋光誰言九衢曉莽莽吹塵黃  
群公直道山晤語清夜央飛轍轉空闊積暑蘇蒼涼  
哦詩中天律流光惜堂堂雞肥社酒熟吾亦懷吾鄉

又

亭亭月初高河漢坐可搴病餘久制酒灑氣兩爭先  
振衣萬里風歸袖何時翮懷哉故山友共此今夕圓  
離離雲飛鴻何意影沈川觀心要知是出處直悠然

巖桂花

開門驚積葉秋氣日以厲獨芳搖落中粲粲巖下桂  
幽芳不自憐悵悵紛滿地未忍蹋殘英何以娛晚歲

中秋夜雨

秋雲定何心忍翳今夕月尚嫌微點綴况迺都漫滅  
他日任氛霾數日望清澈倦投衲子窻竹雨聽騷屑  
對牀不成夢有酒那能設螢飛矜意氣蟲語轉幽咽  
心知層陰表皎皎玉輪潔何當凌倒景徒倚玩飛轍

夜坐

棲遲客異縣名氏歲丹丘希世非夙尚素餐愧前修  
日耗大倉陳一飽寬百憂眷焉撫平生信亦無幾求

蒙籠小牕底圖史漫不收篝燈指病眼昏花亂虬螭  
愚儒未忘世撫事非所謀不如遂捐書卒歲以優游  
懷膠眈崑墟濁浪排高秋知難有明訓吾其老鋤耰

秋懷二首

鏗然一葉脫中夜歎以驚及茲遂搖落風露漉難平  
晚晚愁自滋淹留塞何營騰騰任天運庶幾得吾生

又

中郎章句儒失身徇邦仇一歎不自知邂逅死孤囚  
凜凜南昌仙斗食身百憂渺然元始後滅跡不可求

園基

投老一寸心獨立無攀緣兀兀不自聊悄悄誰與宣  
時有素心人一枰奉周旋得雋非至數三捷亦偶然  
危思寄方罫積威下虛弦驕矜不須史奔北已可憐  
志士珍短景顧謂壁可捐聖門未及藩遠道要着鞭  
緬想運甍翁操具投長川自強聖所減懷哉撫常編

談命

岑寂契心賞棲遲幸身閑却掃味道腴未厭藜藿慳  
久絕子公書羞訪季主關肯為空際塵起此曾中山  
層翁推始生邂逅盃酒間自今半運中且作尺蠖跼  
蕭蕭兩鬢髮已白不復班功名日以疎落落難強顏

譬如坐穩人正苦步作艱夸毗付餘子彼哉謝追攀


吳江曲

吳江女兒白如玉花底紗窻傍谿渌玉簫春暖貼朱  
脣故作陽春斷腸曲扁舟掠水去如飛不見嫣然一  
笑時回首江城只孤塔向來一念復因誰

梨

一霜木葉紛紛妥園夫獻梨紅頰楸亦知曾次本清  
涼且欲與君克飭坐

常齋集卷之三



常齋集卷之三

三



